

ეროვნული პირების საპითხი ბრიგოლ რობაშიძის
„ბგელის პერანგში“

”ბგელის პერანგში“ ეროვნული ძირების საკითხი უკავშირდება პერსონაჟის ცხოვრებას, მის მოქმედებას. რომანის გმირის არჩიბალდ მეკეშის მთავარი მიზანი სწორედ მშობლიურ ძირებთან დაბრუნებაა. სიუჟეტის განვითარებაც სიმბოლურად ევროპა-აზის გზაჯვარედინიდან, პამადანიდან იწყება. ამ ქალაქიდან იწყებს მოძრაობას გაევროპელებული, ემიგრაციაში გაზრდილი არჩიბალდ მეკეში, ქართულად არჩილ მაყაშვილი.

მწერალი აღწერს ამ უძველეს ქალაქს, რომლის ისტორია შორეულ შუმერულ-აქადურ წარსულში იკარგება. ერთი მხრივ, იგი ამით მიგვანიშნებს, რომ ქართველი ერის გენეზის, მისი კულტურულ-გენეტიკური ძირებისა და დედამიწის პირველ ცივილიზაციასთან არის დაკავშირებული. მეორე მხრივ, გრ. რობაქიძე გვიჩვენებს პერსონაჟის გზას ევროპიდან აზიისაკენ და აზიიდან საქართველოსკენ. იგი თავის სამშობლოში ამ გზით უნდა დაბრუნდეს და თავის გვაროვნულ და ეროვნულ ძირებს საბოლოოდ დაუბრუნდეს. ადაპტაცია ევროპულობიდან ქართველობისაკენ მან ამ გზით უნდა გაიაროს.

არჩიბალდის გზა პამადანიდან საირმემდე მრავალმნიშვნელობიანია: მშობლიურ ქვეყანასა და ხალხთან შეგუების პროცესი, სულიერი კათარზისი, საქართველოს ისტორიის გაცნობა-გათავისება და ეროვნულ ძირებთან დაბრუნება, რაც მთლიანობაში გულისხმობს ევროპელი არჩიბალდ მეკეშის ქართველ არჩილ მაყაშვილად მოქცევას. ეს პროცესი კი პამადანიდან იწყება, ევროპისა და აზიის გზაჯვარედინიდან, სადაც ადამიანები ერთმანეთს ხვდებიან, მაგრამ ზოგი ერთმანეთს შორდება. ამიტომაც აქვს პამადანის სიმბოლურ-მხატვრული დატვირთვა. გმირი აქედან უნდა წავიდეს იმ გზით, რომელზეც იგი შეხვდება ისეთ ადამიანს, მის ფეხსვებთან, ანუ მშობლიურ ძირებთან დაბრუნებას ხელს რომ შეუწყობს და უნდა დაშორდეს მას, ვინც ამ პროცესს ხელს შეუშლის. აქვე პამადანში ფერგიუს ურვოორთან სტუმრობისას აცნობიერებს, რომ ძირები არა აქვს, მას იგი არ ახსოვს; სწორედ ამის გაცნობიერების შემდეგ იწყება მოგონებები მამასა და თავის ბავშვო-

ბაზე. ყაზინში თავის ნახევარმას ვამებს ხედება და თანდათან შორდება ოლდას, რუს ქალს, რომელთანაც ურთიერთობა ხელს შეუშლის ეროვნულ ძირებთან დაბრუნებაში. ოლდას სახე სიმბოლურია, რადგან გრიგოლ რობაქიძე წინასწარ ჭვრეტს მათი ურთიერთობის ტრაგიკულობას.

ჰამადანში გაიელვებს მამის აჩრდილი, რომლის გამოჩენაც სიმბოლურად მიგვნიშნებს ეროვნული ძირებისა და მამის წიაღის არსებობაზე. მამის ჩვენება შეახსენებს არჩიბალდს ძირების ძიებას. შექსაირის ჰამლეტივთ არჩიბალდს მამის აჩრდილი უძღვის წინ და ყოველთვის თან სდევს, ის ცოცხალია და ბოლოს საირმეში ირუბაქიძე-მაყაშვილების კერაზე ეცხადება შვილს. იქ ასრულებს მამა თავის მისიას დაბრუნოს შვილი გვაროვნულ და ეროვნულ წიაღში თავის ძირებთან, რაც ნიშნავს არჩიბალდის არჩილად გარდასახვას. ამასთანავე იგი თვითონაც უბრუნდება თავის ძირებს და თავის მშობლიურ მიწაზე, თავის კერაზე დაასრულებს სიცოცხლეს.

ძირებთან დაბრუნება შეუძლებელია, თუ პერსონაჟი არ გაიცნობიერებს თავის გვარს. ყაზინში მამის ლანდის „თაფლისფერი თვალების“ მინიშნებით ხსნის კოლოფს და პეტრიძის წაკითხვით ეცნობა თავის გენეალოგიას. ეს ძირებისკენ მოძრაობის და მასთან დაბრუნების კიდევ ერთი ნაბიჯია მამის აჩრდილის და მმის ნახვის შემდეგ. თუმცა მმა ჯერ კიდევ გაცნობიერებული არ ჰყავს, მაგრამ უკვე მმობილია. ის რომ მმა უნდა იყოს, ამას მიუსალლას ველზე ქვაზე ამოჭრილი წარწერა გვამცნობს: „ჩემი მმა აცყოფილი ვით არ მიუვარდეს უმეტეს მზისა და უმეტეს ხმალისა რამეთუ იყო იგი სხვა ჩემი“ (რობაქიძე, 1988: 3). აგრეთვე, ეს წარწერა მიგვანიშნებს იმას, რომ მმაშია მისი პიროვნება განსახიერებული და მისი პოვნა, მასთან შეხვედრა და მმური ურთიერთობის დამყარება მისი სრულქნის, გაძლიერებისა და მშობლიურ ძირებთან დაბრუნების ერთ-ერთი მანიშნებელია.

საინტერესოა ტაბა-ტაბაის სახე – ჰინდო-სპარსი თუ მეგვიპტელი, იგი მიჰყვება არჩიბალდს და აცნობიერებინებს სამყაროსა და საკუთარ თავს. ეს უძველესი ქვეყნები ინდოეთი, სპარსეთი და ეგვიპტე, რომელთანაც დაკავშირებულია ქართველთა ისტორიული ურთიერთობა და კულტურული ძირები, სახიერდება ტაბა-ტაბაის პიროვნებაში, მასში ერთიანდება სამიე ქვეყნის პრეისტორიული რელიგიურ-ტრადიციული სული. მან უნდა გაატაროს არჩიბალდი ადაპტაციის რთულ გზაზე,

დაეხმაროს და მოამზადოს სამშობლოში დასაბრუნებლად. იგი მეკეშის შეგონებას მამის არსის ახსნა-გააზრებით იწყებს. ამას ტაბაი დრმა ფილოსოფიურ-რელიგიური მსჯელობით აანალიზებს „უოველი ქმნილი მქნელშია თვითონ – (გონება მიდის ზევით და ზევით)... უოველი მქნელი ქმნილშია თვითონ – (გონება მიდის ქვევით და ქვევით)... ხოლო ქმნილიც მეტია და მქნელიც მეტია ქმნილზე... რაც რჩება ესაა საოცარი და საცნაური – (გონებაში „ერთი“ იძადება). ერთი და თან მრავალი“ (რობაქიძე, 1988: 44). ასე ხსნის ტაბა ტაბაი მამა-შვილის ერთიანობას და „ის ერთი არ არის არც მატერია და არც სული ევროპული ანალიტიკის საპირისპიროდ, იგი მატერიაცად და სულიც“. ასეთმა მსჯელობამ და ტაბაის მიერ საფონებს და მისი ვაჟის იაგვესთან ურთიერთობის ამბის მოთხოვნის მიერთობამ, არჩიბალდს შეისვე მამა გაახსენა.

ტაბა-ტაბაიმ არჩიბალდი უნდა გაატაროს უდაბნოში. ამ ეპიზოდში ავტორი იძლევა ბიბლიური სიუჟეტის ორიგინალურ მხატვრულ ინტერპრეტაციას. გმირი მიემართება უდაბნოს გაფლით საქართველოსკენ, მოსე კი თავის თანამომმევებთან ერთად – აღთქმული მიწისაკენ. როგორც ბიბლიაში, რომელიც უოველივეს წინასახეა, „გველის პერანგშიც“ უდაბნოს დაახლოებით ანალოგიური, სულიერი განწმენდისა და ამაღლების ფუნქცია აქვს. მწერალი მოსესადმი პატივისცემას ირუბაქიძეთა წინაპრის ირუბაქის ცხოვრებაშიც მიანიშნებს. მას „უფარდა უფრო მოსე. იყო სულით ფიცხელი და გულით წვილი: როგორც მოსე“ (რობაქიძე, 1988: 87).

მოსესადმი ირუბაქიძის თვისებებით მიმსგავსებაც მიგანიშნებს, რომ სპარსეთის ზეგანის უდაბნოს გავლა არჩიბალდისათვის სიმბოლური მნიშვნელობისაა და რომანის ძირითად იდეას უკავშირდება.

შშობლიურ ძირებთან დაბრუნებისთვის ერთ-ერთი მთავარი საკითხია ქორწინება, რასაც ავტორი მატასის მეშვეობით წყვეტს. არჩიბალდს ოლგასადმი დამოკიდებულება თანმიმდევრულად ეცვლება და მის ცხოვრებაში ადგილს თანდათანობით იკავებს მატასი, ვამეხის ნახევარდა. არჩიბალდისათვის გაუცნობიერებელია მისი ნახევარი ძმის ნახევარი და. იგი სისხლით არ ენათესავება მას, ვამეხი და არჩიბალდი მამით არიან ძმები, მატასი და ვამეხი კი დედით არიან და-ძმა. არჩიბალდს შინაგანი ხმა ესმის“ თქვენი დაცუ არის“. დაჯ არის მართლა?! არა. უგებ ქალია. გულში რომ შეიჭრება?! არა. უგებ მეგო-

ბარი?! არა. არც დაპ - არც - სატრფო - არც მეგობარი. და იმავე დროს: დაპც, სატრფოც, მეგობარიც“ (რობაქიძე, 1988: 168). ასეთ ფორმირებას იღებს მატასის სახე მეკეშის ცნობიერებაში და ამ კონტექსტში ხდება მათი ქორწინება. „გველის პერანგში“ გმირის მშობლიურ ძირებთან დაბრუნება მთავარი. მატასის შერთვით არჩიბალდი უბრუნდება წინაპართა კერას და ამავე დროს ადადგენს სისხლით ნათესაობის წრედს მმასთან. სწორედ მატასის და არჩიბალდის შვილებში ერთდება ვამებისა და არჩიბლის სისხლი, შვილებში, რომელებიც ბაბუა სარიდანთან თამაშობებ რომანის ფინალში.

არჩიბალდის საირმეში დამკვიდრებისათვის და, ამასთანავე, მატასისთან შეუდლებისათვის გადამწყვეტი სიტყვა ვამებს ეკუთვნის. მთავარია, როგორ მიიღებს ის იმ ფაქტს, რომ თამაზის უკანონო შვილია და როგორ პოზიციას დაიკავებს არჩიბალდისა და მატასის ქორწინებისადმი. აქ არჩიბალდი უძლურია აიღოს ინიციატივა. იგი ვამებზე ზემოქმედებას ვერ შეეცდება, რადგან რეალობა თვით ვამებმა უნდა გაიაზროს და გადაწყვეტილებაც ჯერ არჩიბალდთან ურთიერთობისა და მერე მისი მატასისთან შეუდლებაზე თვითონვე უნდა მიიღოს. ამ გადაწყვეტილებაზეა დამოკიდებული დარჩება არჩიბალდი მამისეულ კერაზე თუ წავა საირმიდან.

ვამებს, რომელმაც ისე ძალიან შეიყვარა არჩიბალდი, ისე ღრმა მეგობრული და მმური ურთიერთობა დამკარდა მათ შორის, ადარ შეუძლია დაუშვას, რომ არჩიბალდი წავიდეს მშობლიური კუთხიდან და დაკარგოს იგი. ამიტომ მან მიიღო მეტად ეფექტური და ბრძნული გადაწყვეტილება. მატასი დაადევნა საირმიდან მიმავალ არჩიბალდს. ამით დადასტურდა, რომ ვამებმა ერთდროულად ორი პრობლემა გადაჭრა: მმად მიიღო არჩიბალდი და მას თავისი და მატასი შერთო, რითაც მას მისცა საშუალება, არა მხოლოდ დაბრუნებოდა მშობლიურ ძირებს, არამედ დამკვიდრებულიყო მამაპაპურ მამულში, რომლის ცხოვრების ტრადიციებს ვამებთან რთველისა და სიმინდის ტეხნის დროს საირმეში მისი სტუმრობის დროს იგი უპვე ეზიარა.

ძირებთან დაბრუნებისა და დამკვიდრების პრობლემას უკავშირდება, აგრეთვე, ხის კულტობრ დაკავშირებული რიტუალი, ნიგვზის ფესვებში გაძრომა, რომელიც გულისხმობს არჩიბალდის გარდასახვას, ანუ ხელახლა დაბადებას. ეს რიტუალი მან საირმეში თავისი მამაპაპური სახლის ეზოში შეას-

რულა. ხის ფესვებში გაძრომის შემდეგ არჩიბალდი „წამოდგება ხერხემალმაგარი... არაოდეს ასეთი ძალა მას არ უგრძვინა“ (რობაქიძე, 1988: 150).

არჩიბალდის საირმეში დაბრუნებისა და დამკვიდრებისათვის აუცილებელია როგორც სულიერი, ისე გარეგნული ფერისცვალება, ეს პროცესი რომანში გველის პერანგის გამოცვლასთან ასოცირდება. გველი ქრქს იცვლის და მასთან ერთად ტოვებს განვლილ ცხოვრებას, იშორებს ძველ სამოსს. ტაბა ტაბაი უხსნის არჩიბალდს გველის პერანგის გამოცვლის მნიშვნელობას. „ამაზე უფრო ნიშნეული ქვეყანაზე არა არის რა“... – ეუბნება იგი არჩიბალდს – ხედავთ!؟ გველმა თავის თავი დატოვა, მოიხსნა და დააგდო. აქ არის სიბრძნე“ (რობაქიძე, 1988: 271).

პერანგის გამოცვლა გველისთვის მის განახლებას, მის გარდასახვას, ახალი ცხოვრების დასაწყებად მის მომზადებას გულისხმობს. პერანგის გამოცვლისთანავე „მოსხლეტით გავარდება ხალაი ტანი, ამრეზნით მიხედავს ძველ, დაგდებულ ქრქს“ და გასრიალდება სწრაფად, ახალი უნიტერენტით აღსავსე. „სიცოცხლის ატანა ამ გზით ოუ შეიძლება“... (რობაქიძე, 1988: 272).

გველივით უნდა დატოვოს არჩიბალდმა ძველი სამოსი და ახალი სიცოცხლით ავსებულმა დაიწყოს ახალი ცხოვრება შშობლიურ კერაზე. იგი ტაბა ტაბაის მიერ გველის პერანგშე-მოხვეულ სხეულს აღარ გრძნობს, რაც მიგვანიშნებს, რომ ფერისცვალებისა და „პერანგის“ გამოცვლის პროცესს უბლებს. ტაბა ხსნის ყელიდან გველის პერანგს, რაც იმას ნიშნავს, რომ არჩიბალდი უკვე არჩილია. მისი ტოტემი, გველი განახლებული და გაძლიერებულია. ეს კი იმას ნიშნავს, რომ თვითონაც განახლებული და სიცოცხლისუნარიანია და მზადა დაიწყოს ახალი ცხოვრება მამაპაპურ კერაზე.

გამოყენებული ლიტერატურა:

ვასაძე, 1989 - ვასაძე ა.კ., ტაბუახლილი ლირებულება, გაზ. „ლიტ. საქართველო“, 1989. 19. 04.

კარმანი, 1988 - კარმანი რ., რობაქიძე და მითის აღორძინება, გაზ. „ლიტ. საქართველო“, 1988. 15. 04.

რობაქიძე, 1988 - რობაქიძე გრ. გველის პერანგი, თბ., 1988.

ჩხაიძე, 1989 - ჩხაიძე თ., გველის პერანგის ერთი ინტერ-პრეტაციის გამო, გაზ. „ლიტ. საქართველო“, 1989. 22. 12.

ჭილაიძა, 1991 - ჭილაიძა ს., გველის პერანგი, გაზ. „ერი“, 1991.
28. 08.

ჭურდულია, 1990 - ჭურდულია ოთ., არისტოკრატობა ყველგან
გამოჩნდება (გრ. რობაქიძე), 1990.

Vakhtang Inauri

ONE OF THE MOST IMPORTANT NOVELS – “THE SNAKE SHIRT “

Summary

By Grigol Robakidze outlines the problem of a Georgian man – Archil Makashvili (Archil Makashi) who was expelled abroad and now wants to return back to his native roots. The article also deals with the problem of his adaptation to the Georgian environment. The way from Hamdan to Sairme is the way of his spiritual purifying. The writer reflects this process on the mythical- traditional background. This way he revives the oldest myth in the XX c. prose.